

Transkription von Urkunde HAL 1343a

Ort, Datierung: Halle, 1343-04-05

Signatur: Stadtarchiv Halle, II, Urk., 31 U 1 Nr. 31 [\[online\]](#)

Inhalt: St. Moritz Stift: Grundstücksvereinbarung

Wie her Marckwart von der gnade goddis prouest . . her hans Drelitz priol vnde / die couent gemeyne ,
des goddis huses tũ sente Mauritius tũ halle , Bekennen openliken an / disseme ieghenwerdighen
brieue , dat wie . . vnde vnse , couent gemeinlicken , vns vor wille/koret hebben vor den bürgeren tũ
halle , dat vnse goddis hus scal hebben , eygens gũdis / in deme dũtzschen bornen tũ halle
sesvndedrittech pannen , in der metritten seue(n)teyn pan/nen , in deme windischen bornen twelf
pannen , vnde nicht mer , bouen disse vor gnanten / tale , in allen bornen , Wier auer dat vnseme
goddis huse , wat gũdis in allen bornen / geuen würde , tũ sielgerede , oder mit kinderen , oder an
vnse goddis huses schũlt , oder / von welkerleyge sake , alsodan gũt vnseme goddis huse , tũ vallen
mochte , dat scolle / wie vor kopen , in den nesten viere weken , dar na , vnde scollen des nicht
behalden =/ Diede wie des nicht , so scolden die bürgerer vp nemen , vt al deme gũde , dat wie / in allen
bornen hebben , swat dar vt viele also lange , dat wie , dat gũt vor kofen =/ vnde swat vt deme seluen
gũde , genomen würde , des scolden vns die bürgerer / nicht weder geuen , Vp eyn openbar orkunde ,
disser dinghe , dat die stede , vnde / gantz , von vns , vnde vnseme goddis huse , ewichliken , gehalden
werden , so hebbe / wie her Marckwart die vorgnante , vnse , vnde vnse couentes inghesegele =/ an
dissen brif gehanghen , Na goddis gebort , Dusent jar , druhundert jar =/ in deme drũvnde virtegesten
jare , jn dem palm auende /